



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Hermannii Conringii De Antiquitatibus Academicis
Dissertationes**

Conring, Hermann

Helmestadii, 1674

Svpplementvm XLI. Ad pag. LXXXI.

urn:nbn:de:hbz:466:1-12929

parte Virginis, Luna in XVI parte Piscium. Hoc autem II Kal.
Febr. fuit Luna XVII, quando stella Jovis quasi per eam transire
visa est. Et III Id. Februarii fuit Eclipsis Solis media die,
stante utroq; sidere in XXV parte Aquarii. Iterum IV. Kal. Mart.
fuit Eclipsis Luna, & apparuerunt acies eadem nocte mirae magni-
tudinis, & Sol stetit in XI parte Virginis. Nam & stella Mercurii
XVI Kal. Aprilis visa est in Sole quasi parva macula nigra paululum
superius medio centro ejusdem sideris: que a nobis octo dies con-
specta est: sed quando primum irravit vel exivit nubibus impe-
dientibus minime notare posuimus. Iterum mense Augusto XI Kal.
Septemb. Eclipsis Luna facta est, hora noctis tertia, Sole posito in
quarta parte Virginis, & Luna in V parte Piscium. Sicq; ab anni
superioris Septembri usq; ad anni praesentis Septembrem ter Luna
obscurata est & Sol semel. Hæc ille quisquis sit Auctor. Quæ
eriam vel ideo merentur attentionem & laudem, quoniam
similis alicujus sideralis observationis (de fide tamen ejus
jam non agam) nullum in omnibus scriptis Latinis illo-
rum quidem seculorum monumentum est reperire. Et
verò aluit in aula etiam Ludovicus Pius Imperator rei A-
stronomicæ deditum aliquem, qui pòst historiam Vitæ ejus
conscriptis, sed tale specimen eruditionis Astronomicæ
non præbuit, Astrologicis divinationibus magis deditus
quantum appetet. Carolum tamen ipsum non æquasse
hoc in studiorum genere Aronis Chalifæ felicitatem, do-
ceat vel unum illud Horologium, quod eodem anno ex
Persia muneri missum narrant Fancorum Annales.

SUPPLEMENTVM XLI.

Ad pag. LXXXI.

VErba quæ adduximus Erici monachi de Carolo Calvo
Rege, habentur in Epistola quam præmisit libris Car-
minum de vita S. Germani Episcopi Autissiodorensis. In ea-

Ss 3

dem

dem Epistola hæc etiam de aula Regia merentur annotari. Ita ut merito vocaretur schola Palatum: cuius apex non minus Scholaribus quam militaribus consuecit quotidie disciplinis. Laudatur etiam ibi multum Calvus Carolus, quod fuerit studiosissimus colendæ eruditionis, & quidem usque adeo, ut scubi terrarum magistri florent arrium, quarum principalem operam Philosophia pollicetur, hos ad publicam eruditionem undeviungo ipsius celitudo conduceret, comitas attraheret, dapsilias provocaret. Memoratur ibidem, etiam ex Græcia eruditos ad illum confluxisse. Et sane etiam patri Ludovico Græcus aliquis Legatus Dionysii Areopagitæ quod fertur opus attulerat, quod Carolus verti curavit per Joannem Scotum: accedente Hilduinimagnæ itidem apud Carolum auctoritatis viri fabulosa de uno Dionysio narratione. Joannem porrò Scotum Philosophiæ, pro illius temporis captu, gnarum, & mensa & cubiculo à Rege isthac Carolo fuisse honoratum jam pag. 316 Supplemento nono tricesimo docuimus. Quasi Mecænatem ergo aliquem sui seculi habitum Calvum Regem, videtur sic satis certò constare. Fratres ejus Lotharium Imperatorem & Ludovicum Germaniæ Regem, hac quidem parte Carolo non esse comparandos, sane manifestum est.

Quid? quod & patrem Ludovicum Carolusea in re superaverit. Etenim Theganus cap. 18. ita quidem de illo: *Linguā Græca & Latina valde eruditus: sed Græcam magis intelligere poterat quam loqui; Latinam verò sicut naturalem equaliter loqui poterat. Sensum verò in omnibus Scripturis Spiritualem & Moralēm, nec non & Anagogēn, optimè noverat. Poëtica carminagentilia, qua in juventute didicerat, respuit: ne legere nec audire nec dicere voluit. Ita quidem, ajo, de Ludovico Theganus: haud legas tamen, studia liberalium artium, aut etiam sacra, fuisse*

isse ab illo, ad exemplum patris Caroli, promota: aut vero ab illo artes liberales habitas in pretio, (nec enim ullius est momenti, quod stellas interdum sibi fecerit monstrari, ut legitur in ejus vita ab homine Astronomo conscripta pag. 415 editionis Wechelianæ) sed potius spretas. Id quod indubie factum est præ superstitione optimi alias Imperatoris pietate, quæ & multorum in republica gerenda maiorum fuit causa. Unde idem Theganus cap. 20. *Omnia prudenter & caute agens, nihil indiscretè faciebat, praterquam quod consilarius suis magis credidit quam opus esset. Quod ei fecit Psalmodie occupatio & lectionum assiduitas.*

SUPPLEMENTVM XLII.

Ad pag. LXXXI.

SEculum nonum floruit sane Galliæ & Germaniæ viris quibusdam doctis, præ aliquam multis antecedentibus. Verissimum tamen est quod Dissertatio habet, ultima illius seculi perpetuis bellis fuisse infesta, atq; ideo tunc defuisse priorem etiam illius seculi Studiorum felicitatem. Liquet sane ruditas illa ex testimoniis cum Synodi Valentinæ tum Lupi Servati in Dissertatione adductis. Ruditatem Italiam produnt seorsim quæ adduximus Supplemento xxxvii ex Synodis, ab Eugenio secundo & Leone quarto Papis Romæ celebratis. Extat porro sub initium operis Reginonis de disciplina Ecclesiastica, formula Inquisitionis secundum quam Episcopus inquirere debeat per vicos pagos atq; parochias sua diocesanos. Inter alia vero ibi circa Presbyteros jubetur in quiri §. 83. *Si Epistolam & Evangelium bene legere possit, argu saltim ad litteram ejus sensum manifestare.* §5. *Si sermonem Athanasii Episcopi de fide S. Trinitatis, cuius initium est, Quicunq; vult salvus esse, memoriter teneat & sensum illius intelligat, & verbi communibus enunciare sciat.* §8. *Ordinem quoq; reconciliandi us.*